



Driftstilskot til lag, organisasjonar og institusjonar på kulturområdet

Retningslinjer

Retningslinjene for ordninga vart vedtatt av kultur- og folkehelseutvalet 10. september 2024, i sak 40/24.

Formål

Tilskotsordninga skal bidra til å støtte drift av organisasjonar i Møre og Romsdal med eit tydeleg formål innan kunst, kultur, idrett eller friluftsliv. Organisasjonane skal ha ein sterk regional, fylkesfemnande eller nasjonal verdi.

Tilskotsordninga skal òg bidra til å nå måla i planverket til fylkeskommunen.

Kven kan søke om støtte?

Lag, organisasjonar og institusjonar med eit tydeleg formål innan kunst, kultur, idrett eller friluftsliv.

Kva kan du søke støtte til?

Støtte til faste driftsutgifter og/eller forpliktingar som for eksempel lokalar og lønn til tilsette.

Kva blir det ikkje gitt støtte til?

I denne ordninga blir det ikkje gitt støtte til noko anna enn ordinær drift.



Generelle krav som må oppfyllest

- Søkar skal høyre til i fylket og ha hovudaktivitet sin i Møre og Romsdal.
- Søkar skal vere etablert. Dette betyr at søkar må ha hatt full drift i minimum eit kalenderår og ha minst ei årsmelding som kan sendast inn innan søknadsfristen.
- Søkar skal vere ein regional aktør og bidra til å skape verdi i eit større geografisk område, utover det lokale.
- Paraplyorganisasjonar som får driftstilskot skal fordele midlane vidare til underorganisasjonane sine i tråd med desse krava og retningslinjene for ordninga.
 - Er søkar medlem av eit fylkesledd eller ein paraplyorganisasjon, skal dei få eit eventuelt driftstilskot frå dette fylkesleddet eller paraplyorganisasjonen.
- Søkar skal ikkje ha som mål å fremme eigne medlemmer sine økonomiske og/eller yrkesmessige interesser. Dette gjeld òg interessepolitiske organisasjonar.
- Søkar skal vere demokratisk oppbygd med eige styre og vedtekter.
- Søkar skal ha tiltak og/eller aktivitetar som er universelt utforma og opne for alle.

For å fremme tilgjengelegheit og inkludering oppfordrar vi alle søkarar til å bruke prinsippa om universell utforming. Da kan prosjekt og tiltak vere tilgjengelege for alle deltakarar uavhengig av fysiske eller kognitive forutsetningar.

Medfinansiering

- Søkar må ha avtale om å få driftstilskot frå kommunen dei har hovudaktiviteten si i. Støtta bør vere på minimum same nivå som støtta frå fylkeskommunen.
- Ein søkar som kan dokumentere at dei får statleg støtte kan kompensere for ei eventuell manglande støtte frå kommunen.

Ideelle og religiøse organisasjonar som søker om støtte skal likestillast.

Søknadsfrist

Driftstilskota følger planperioden og de kan få støtte for ein periode på fire eller to år. Du kan søke i 2024 og i 2026. Søknadsfristen er den same, **1. november kl. 23.59**.



Saksbehandling

Kulturavdelinga i Møre og Romsdal fylkeskommune behandlar søknaden din utan ugrunna opphald, i tråd med forvaltningslova. Etter at søknaden er behandla vil du få svar på søknaden din skriftleg. I tildelingsbrevet finn du opplysningar om tildelt sum og kva vilkår som må vere oppfylte før du kan få støtta utbetalt. I avslagsbrevet finn du grunnlag for avslaget.

Vi behandlar ikkje søknader som er ufullstendige og som ikkje gir nok informasjon.

Vilkår for tildelinga

1. Du må sei ifrå om endringar

Drifta må gjennomførast slik det er søkt om. Viss det er nødvendig å gjere endringar må du avklare det med fylkeskommunen på førehand. Viss drifta ikkje gjennomførast som planlagt, eller kostnadene blir lågare enn budsjettet, kan støtta bli redusert.

2. Du må rapportere og føre rekneskap

Rapporten skal gjere greie for drifta i forhold til søknaden. Rekneskapen skal vise korleis støtta er brukt og settast opp slik at det kan samanliknast med budsjettet du sendte i søknaden. Støtta frå fylkeskommunen skal spesifiserast i rekneskapen.

For tildelingar under 350 000 kroner skal sluttrekneskapen vere kontrollert og signert av nokon som ikkje har vore med i føringa av rekneskapen. For tildelingar der samla støtte frå fylkeskommunen er over 350 000 kroner, skal rekneskapen vere godkjent av autorisert revisor.

Rapport og rekneskap skal sendes elektronisk via fylkeskommunen sitt nettbaserte rapporteringsskjema. Rapporteringsskjema finn du via denne lenka:

<https://dialog.mrfylke.no/dialogue/>

Om vilkåra i brevet og rapporteringskrava ikkje blir følgt, blir støtta automatisk trekt tilbake etter to år.



3. Du må få rapporteringa godkjent for å få utbetalt vidare støtte

Du skal levere rapportering kvart år i perioden. Då rapporterer du for det føregåande året. For å få utbetalt dei neste tildelingane, må saksbehandlar godkjenne rapporten din. Du må sende rapport innan fristen som du finn i tildelingsbrevet.

Har du ikkje rapportert, vil vi halde tilbake det tildelte beløpet til du får levert og godkjent rapporteringa di. Manglar vi framleis rapportering ved neste tildeling, i februar året etter, vil de bli gjort merksame på dette i tildelingsbrevet.

4. Du må synleggjere støtta du får

Støtta frå fylkeskommunen skal synleggjerast ved marknadsføring. Det skal òg komme fram i årsmelding og eigen post i rekneskapen at det er mottatt tilskot frå Møre og Romsdal fylkeskommune.

Viss du ikkje følger vilkåra

Har du gitt ufullstendige eller feilaktige opplysingar i søknaden din, kan vi krevje at du må betale tilbake heile, eller delar av, støtta. Dersom vi ved ein feil utbetaler for mykje, skal det som er utbetalt for mykje betalast tilbake.

Ved hjelp av rapporten du leverer vil vi kontrollere at vilkåra er følgt, og du må gi alle nødvendige opplysingar for at fylkeskommunen kan gjennomføre denne sjekken. I tillegg vil det bli gjort tilfeldige utvida stikkkontrollar blant dei som har fått støtte i ordninga.

Dersom det er utbetalt tilskot i strid med den nasjonale forskrifta, eller tilskotet ikkje er utbetalt eller brukt i samsvar med føresetnadane for tildelinga, kan fylkeskommunen krevje heile eller delar av tilskotet tilbake.

Du har rett til å klage

Vedtak i tilskotssaker er eit enkeltvedtak ifølge forvaltningslova § 28. Det betyr at du kan klage innan tre veker frå den dato du fekk brevet.

Om du sender inn ei klage, vil kulturavdelinga gjere ei ny vurdering i saka. Dersom ikkje vedtaket blir omgjort, blir klaga sendt til fylkeskommunen si klagenemnd for behandling.



Møre og Romsdal
fylkeskommune

Det må påreknast saksbehandlingstid.

Klaga og eventuell dokumentasjon kan sendast digitalt via e-Dialog, som du finn via denne lenka: <https://svarut.ks.no/edialog/mottaker/944183779>

Ei presisering om kulturtilskot

Kulturtilskot er ei moglegheit for støtte til gode prosjekt, men ikkje ein garanti. Tildelinga skjer ut frå fastsette retningslinjer, krav og prioriteringar, som er opne og tilgjengelege for alle.

Tilskotsmidlane er avgrensa, og det kjem ofte fleire søknadar enn det vi har midlar til. Derfor vurderer fylkeskommunen søknadane etter ei heilskapleg skjønnsutøving. Sjølv søknadar som oppfyller alle krava, kan få avslag eller ein lågare sum enn søkt beløp. For å kunne gi tilskot, må vi ha nok midlar i budsjettet.